

Հաստատված է

Վավերացնում եմ

ՀԱԱՀ գիտական խորհրդում

ռեկտոր

Ա. Թարվերդյան

„-----“, -----2016 թ.

„-----“, ----- 2016 թ.

(արձանագրություն №)

**ՀԱՅԱՍՏԱՆԻ ԱԶԳԱՅԻՆ ԱԳՐԱՐԱՅԻՆ ՀԱՄԱԼՍԱՐԱՆԻ ՈՒՍԱՆՈՂՆԵՐԻ
ԳԻՏԵԼԻՔՆԵՐԻ ՍՏՈՒԳՄԱՆ, ՍՏՈՒԳԱՐՔՆԵՐԻ ԵՎ ՔՆՆՈՒԹՅՈՒՆՆԵՐԻ
ԱՆՑԿԱՑՄԱՆ ԵՎ ԳՆԱՀԱՏՄԱՆ**

Կ Ա Ն Ո Ն Ա Կ Ա Ր Գ

ԸՆԴՀԱՆՈՒՐ ԴՐՈՒՅԹՆԵՐ

1. Սույն կանոնակարգը կարգավորում է ուսանողների գիտելիքների անընդհատ ստուգման, ընթացիկ և կիսամյակային քննությունների ամբողջ առարկայից կամ դրա առանձին բաժիններից և տվյալ ժամանակահատվածում ուսանողի կատարած աշխատանքի գնահատման, ստեղծագործական մտածողության զարգացման, ինքնուրույն, սիստեմատիկ աշխատանքի հմտությունների ձեռքբերման, գործնական խնդիրների լուծման մեջ ստացած գիտելիքների կիրառման կարողության գործընթացը:
2. Ուսանողի գիտելիքների անընդհատ ստուգումը իրականացվում է առավելապես լաբորատոր, գործնական և սեմինար պարապմունքներին, որի կազմակերպումը պարտադիր է և որը նպաստում է ուսանողների գիտելիքների անընդհատ կուտակման և կիսամյակի ընթացքում սիստեմատիկ աշխատանքներին, ինքնուրույն աշխատանքի զարգացման և ուսանող-դասախոս արտաժամյա (արտալսարանային, անհատական) ուսուցման գործընթացին:
3. Ստուգարքները որպես կանոն, ծառայում են ուսանողների կողմից կատարվող լաբորատոր, հաշվարկա-գրաֆիկական աշխատանքները, կուրսային նախագծերի (աշխատանքների) կատարումը և պաշտպանությունը, գործնական ու սեմինար պարապմունքների նյութերի յուրացման ստուգման ձև:

Ստուգարքները կարող են սահմանվել ինչպես առանձին առարկայից, այնպես էլ նրանց առանձին բաժիններից:

4. Ուսանողները պարտավոր են բոլոր ստուգարքները և քննությունները հանձնել հաստատված ուսումնական պլաններին և ժամանակացույցին համապատասխան: Ուսանողները կարող են ստուգարքներ և քննություններ հանձնել նաև կամրնտրային առարկաներից, որոնց արդյունքները ուսանողների ցանկությամբ կարող են գրանցվել քննական տեղեկագրերի, ստուգման գրքույկի, ակադեմիական տեղեկանքի և դիպլոմի հավելվածի մեջ:

5. Ուսանողների գիտելիքների ստուգումները անց են կացվում կիսամյակի ընթացքում առարկայի առանձին մասերից, բաժիններից կամ թեմաներից անընդհատ ստուգումների, ընթացիկ և կիսամյակային քննությունների ձևով:

Կիսամյակում ընթացիկ (միջանկյալ) քննությունների քանակը սահմանվում է առարկայի տվյալ կիսամյակի դասախոսությունների ժամաձավալով.

- 1) Շաբաթական 1 ժամ դասախոսություն ունեցող առարկայի (ների) համար կիսամյակում սահմանվում է մեկ ընթացիկ (միջանկյալ) քննություն
- 2) շաբաթական 2-3 ժամ դասախոսություն ունեցող առարկայի (ների) համար՝ երկու ընթացիկ քննություն
- 3) շաբաթական 4 և ավելի ժամ դասախոսություն ունեցող առարկայի (ների) համար՝ երեք ընթացիկ քննություն:

6. Ընթացիկ քննությունների հանձնման և վերահանձնման ժամկետները և ձևերը (գրավոր կամ բանավոր) ըստ քննական առարկաների սահմանվում են ամբիոնի կողմից և համակարգվում է ֆակուլտետի դեկանատում: Ընթացիկ քննությունները, հարցաշարը, անցկացման ժամանակացույցը և կանոնները ամբիոնի ուսանողին տրամադրում է տվյալ կիսամյակի առաջին ամսվա ընթացքում: Ընթացիկ քննությունների հանձնման համար սահմանվում է երկշաբաթյա ժամկետ, իսկ վերահանձնումը (այդ թվում նաև դրական գնահատականը բարձրացնելու նպատակով) թույլատրվում է մինչև հաջորդ ընթացիկ կամ տվյալ առարկայի կիսամյակային քննությունը:

7. Ընթացիկ քննությունների հանձնման և վերահանձնումների արդյունքները գրանցվում են միասնական ձևի տեղեկագրում և հանձնվում համապատասխան ֆակուլտետի դեկանատ:

Ընթացիկ քննությունների արդյունքները ըստ բաժինների, ուսանողի ստուգման գրքույկում չեն գրանցվում:

Ընթացիկ քննություններից որևէ քննական առարկայից դրական գնահատական ստացած ուսանողը իրավունք ունի, գնահատականը բարձրացնելու նպատակով, նույն քննաշրջանում տվյալ առարկայի քննությունը (ամբողջական ծրագրով) հանձնելու կիսամյակային քննական ժամանակացույցով:

8. Հարգելի պատճառով ընթացիկ (միջանկյալ) քննություններին (ստուգումներին) չներկայացած ուսանողներին իրավունք է վերապահվում այն հանձնել և վերահանձնել մինչև տվյալ կիսամյակի տեսական ուսուցման վերջին շաբաթը, ըստ ամբիոններում սահմանված ժամանակացույցի: Քննաշրջանից հետո դրական գնահատականի բարձրացման նպատակով քննության վերահանձնում չի թույլատրվում:

9. Կիսամյակային քննաշրջանում 1-2 առարկաներից անբավարար ստացած ուսանողը կարող է մարել ակադեմիական պարտքը (պարտքերը) ժամանակացույցով սահմանված մարման շրջանում, որը հաջորդում է քննաշրջանին:

Առարկայական պարտքերի մարման վերջին ժամկետը սահմանվում է մինչև հաջորդ կիսամյակի սկզբի երրորդ շաբաթվա վերջը (եթե համալսարանի կողմից այդ առումով այլ որոշում չի կայացվել):

10. Ուսումնական պլանով սահմանված ստուգարքները, կուրսային նախագծերի (աշխատանքների) պաշտպանությունը, հաշվարկագրաֆիկական կամ ստուգողական աշխատանքները, ուսումնական և արտադրական պրակտիկաների հաշվետվությունների պաշտպանությունը, ուսանողները պարտավոր են հանձնել մինչև կիսամյակային քննաշրջանի սկիզբը, ամբիոնի և (կամ) դեկանատի կողմից սահմանված ժամանակացույցով:

Սույն կիսամյակում ստուգարքով և քննությամբ ավարտվող առարկաներից ուսանողի ստուգարքը համարվում է հանձնված, եթե ուսանողը սիստեմատիկ հաճախել է դասերին և լիարժեք կատարել բոլոր լաբորատոր-գործնական պարապմունքները:

Դեկանի հիմնավորված առաջարկության և ուսանողների կողմից սահմանված կարգով համապատասխան փաստաթղթերի ներկայացման դեպքում, ուսանողը կարող է թույլատրվել կիսամյակային ամփոփիչ քննություններին ոչ քննական (տվյալ կիսամյակում) առարկաների ստուգարքային պարտքերի առկայության դեպքում: Այդ ստուգարքները ուսանողը պարտավոր է հանձնել քննաշրջանում կամ առարկայական պարտքերի մարման ժամանակահատվածում: Քննաշրջանին հատկացված առաջին

շաբաթը համարել ստուգարքային շաբաթ, իսկ անհրաժեշտության դեպքում դեկանը կարող է քննություն նշանակել նաև առաջին շաբաթում:

11. Այն ուսանողները, ովքեր հիվանդության կամ այլ հարգելի պատճառներով (հիմնավորված փաստաթղթերով) սահմանված ժամկետներում չեն հանձնել ստուգարքները և քննությունները, ֆակուլտետի դեկանը սահմանում է ստուգարքների և քննությունների հանձնման անհատական ժամանակացույց:
12. Ընթացիկ և կիսամյակային քննությունները անցկացվում են հարցատոմսերով (որպես կանոն 3 հարց): Ընթացիկ քննությունը անց է կացվում գրավոր կամ բանավոր (ամբիոնի որոշմամբ): Առարկայական քննությունները կազմակերպվում են գրավոր, բացառիկ դեպքերում, կախված առարկայի բնույթից, ամբիոնի և դեկանի ներկայացմամբ, համապատասխան հիմնավորման դեպքում՝ գրավոր, բանավորի լրացուցիչ զուգակցմամբ:

Առարկայական քննությունների հարցաշարը ամբիոնը ուսանողներին տրամադրում է կիսամյակի սկզբում՝ առաջին ամսում:

13. Առարկայական քննությունները ընդունում են դասախոսություն կարդացող և լաբորատոր-գործնական վարող դասախոսները, ամբիոնի վարիչի մասնակցությամբ: Առարկայական քննությունների վերահսկմանը մասնակցում են նաև ֆակուլտետի դեկանը (կամ տեղակալը), ռեկտորատի անդամը: Քննությունների վերահանձնման ժամանակ ամբիոնի վարիչի մասնակցությունը պարտադիր է:

Գրավոր քննությունների արդյունքները ամփոփվում և բաց քննարկվում են տվյալ կուրսի ուսանողների հետ, որից հետո գնահատականները փոխանցվում են քննական տեղեկագիր: Առարկայական քննությունների կազմակերպման, անցկացման և գնահատման պատասխանատվությունը դրվում է տվյալ ամբիոնի վարիչի և քննող դասախոսի վրա:

14. Ստուգարքով ավարտվող առարկաներից ստուգարքը ընդունում են տվյալ դասընթացի դասախոսություն կարդացող դասախոսը և խմբի (ենթախմբի) լաբորատոր-գործնական պարապմունքներ վարող դասախոսը, իսկ քննությամբ ավարտվող առարկայի ստուգարքը ընդունում է լաբորատոր-գործնական պարապմունքներ վարող դասախոսը, ամբիոնի վարիչի հսկողությամբ:

15. Քննաշրջանում ուսանողների գիտելիքները գնահատվում են 20 (քսան) և 100 (հարյուր) բալային համակարգերով

1-7,0 միավոր - անբավարար

8-13 միավոր - բավարար

14-17 միավոր - լավ

18-20 միավոր - գերազանց

Շրջափոխման բոլոր կուրսերում քննական տեղեկագրերում միաժամանակ գրանցվում է գիտելիքների գնահատման միավորը և դրան համարժեք գնահատականը թվերով և տառերով (օրինակ՝ տեսական մեխանիկա-«17»-«85» իսկ ուսանողի ստուգարքային գրքույկում՝ 17 (տասնյոթ)):

16. Քննաշրջանում քննության չներկայանալը քննական տեղեկագրում նշվում է «չի ներկայացել» բառերով: Եթե ուսանողը ժամանակացույցով սահմանված քննությանը (ներին) չի ներկայացել անհարգելի պատճառներով, ֆակուլտետի ղեկանը, առաջադիմության գրանցման մատյանում նշանակում է «2»-երկու գնահատականը (0 միավոր):

17. Տվյալ կուրսի ուսումնական պլանով նախատեսված տեսական լաբորատոր-գործնական առաջադրանքները և ուսումնա-արտադրական պրակտիկաները, բոլոր քննությունները և ստուգարքները հաջող հանձնած ուսանողները, ֆակուլտետի ղեկանի և պրոռեկտորի ներկայացմամբ, ռեկտորի հրամանով փոխադրվում են հաջորդ կուրս, իսկ ավարտական կուրսերի ուսանողները թույլատրվում են պետական որակավորման քննության (ներին):

18. Կիսամյակի ուսումնական ծրագրերը չկատարած ուսանողները, քննաշրջանում երեք տարբեր առարկաներից, կամ նույն առարկայից երեք անգամ անբավարար ստացած, ինչպես նաև ստուգարքային առարկայից երեք անգամ «չստուգված» ստացած և սահմանված ժամկետներում առարկայական պարտքերը չմարած (անկախ պարտք առարկաների թվից և ստուգման ձևից) ֆակուլտետի ղեկանի և պրոռեկտորի ներկայացմամբ, ռեկտորի հրամանով հեռացվում է համալսարանից, համաձայն սույն և ՀՀ ԿԳ նախարարության հաստատված կանոնակարգերի:

19. 2016-2017 ուս.տարվա սեպտեմբերի 1-ից ուժը կորցրած ճանաչել 2011 թվականի դեկտեմբերի 20-ի №5 նիստում հաստատված «Հայաստանի պետական ագրարային համալսարանի ուսանողների գիտելիքների ստուգման, գնահատման և ստուգարքների և քննությունների անցկացման կանոնակարգը»: